

مرند اۆيکو

Mərənd öykü



قورخو

يازار: مير هدايت سيد مرندی

Web address: www.marand-oyku.arzublog.com

Facebook: www.facebook.com/marandoyku

Email: rezaaydin491@yahoo.com

قورخو

يازار :مير ھدايت سيد مرندي

بو شھرى ، كى تانير سيز ...؟! منده بو شھردە ياشيىرام . البت بير بيريىمىزى گۇرموشوك ، آما سايمازدان كئچميشيك . من سحر لر شھرين گوى دلن لرئين بيرئين قاباغيندا دورارام و هر چيخاننى گۇرركن بۇركومو گۇتوروب ، احترام اوچون ايلرم و ياخود بيليرسىز كوچه نين ان بۇيوك گۇى دلە نى منيم اربابىمين دير و من اورانين گۇزتجيسى يم . جوما گونلرى ارباب اجازە وئىر من اونون داغ شلە سىنى چينيمە آتام و ياخود اوو ملزمە لرىنى داشى يام و اونويلا چۇلە چىخام.

ارباب نرمالدا بيراوو ، اوولويانماز ، منده هر نه اوولاسام ، توتار آلاز ، نيه كى منيم آغزىمدا « يوخ » كلمە سى يوخدور . بوگون دە اربابلا برابر چۇلە چىخديق . چوخ داغ – داش آشدیق ، آما بيراووا توش گلنمە ديك ، بودوركى يورولوب بيرهوندور قايا سويكه نيب ، اونون كولگە سينده اوتوردوق . من يئنە زوروندا قالديم تا اربابين دوزسوز گولمە جه لرينه اوجا – اوجا گولم ! گون شاخلاميشدى ، هاوادا ايسسى و دورقون حالدايدى ، ايكيميزينده گۇزوموز ايسترايستمز مورگولە نيردى سحر تئزدن چۇلە چىخميشديق و منيم چوخ يوخوم گليردى . بيرآز آياق لاريمى اوزالتديم ، يئريمى راحت لاديم تابيرآز گۇزلىرىمى قيزديرام . آز كئچمە دى كى بيردن اربابين باغيرتيسىلا ديسكىنيب ، يوخودان گويه آتلانديم ...

- دېش مه ، بيريانادا باخما

يئريمده قورويوب ياواشجا سوروشدم ، نيه ارباب ، نه اولوب !!؟

ارباب گۇزلىرين قيب ياواشجا دئدى :

- داليندا بير آدى باتميش وار.....

كارىخىب سوروشدوم: آدى باتميش يانى نه مه نه ؟!

آجيخلا دئدى: ايلان دا... ايلان!

یئریمده لاب قورودوم. داش قیه ده ترپمک واریدی ، آما منده یوخویدو...

گۆزآلتی اربابا باخدیم . ارباب میسا - میسا ایلانا ساری یاخینلاشدی و بیردن بیره ، ایکی خاچالی عصا سینی ایلانین اوستونه توشلادی وئره چیرپدی . عصا ایلانین بئلینین اورتاسیندا یئره اوتوردو و ایلان تورا دوشوب بیر یئره قاچانمادی . آما اؤزونو ، گویه قووزاییب قمچی تکین یئره چیرپیدی .

ارباب چیغیردی : تئزدور آیاغا ، بیرداشلا اونون باشینی از ، تئزاول

آهک تکین آچیلیمیشدیم و بیلیردیم کی اوزومده رنگ قالمایب . تیتربه - تیتربه آیاقا قالخیب ، اوطرف بوطرفه باخدیم بیرئکه داش بلله ییب ، الیمه گؤتوردوم . ارباب ایلانین آتلانیب دوشمه سینه و بیرده بوکی آخیردا بیرشئی اوولاییب ، اوجاسسیله گولوردو و گولماق دان آزالیمیشدی کئچینسین . اوحالدا منه امر ائیدردی : - وور ... وور باشینی از- تئزاول ایلانین باش قیسمی عصایا یاخینیدی و چوخ ترپه ننمیردی، اودورکی حرکت سیز گؤرونوردو ، فقط ، تئز- تئز ایکی خاچالی قارا دیلینی دوداق چاتلاغیندان انشیه چیخاردیردی . گؤزوم حرکت سیز و روح سوز گؤزلینه ساتا شدی واورادا دوندو . سانیا سان منی سحیرلدی . گؤزلی یالواریردی کی اونو بوراخاق . اربابدان بوراخما ایدنی ایسته دیم ، آما ارباب یئنه ایسته دی کی اونون باشینی ازم . گؤزلیرمی یوموب داشی گویه قالدیریب ، مو حکم اونون باشینا چیرپدیم . شانسدان ، داش دوز اونون باشینا ده ییب باشینی پاتلاتدی . داشی بیرده گوتوردوم تا بیرده وورام . گؤردوم ایلانین باشی شلم - شوربا اولوب ، دای اوندان بیر ایلان چیخمازدی . الیمده کی داشا باخدیم . ایلانین بیرگؤزو ، ات - قان ایچینده ، ساب سالیم داشا یاپیشیب منه ساری باخیردی ، دییه سن منی دانلاییردی

داشی یئره آتدیم . اوره یم بولانیردی . باش سیز ایلانین آتلانیب دوشماغینا باخمایب ، تروتکه - توتکه یئره اوتوردوم . حالیم اوزومه گلر گلمز ، اربانین امریله ، ملزمه لری توپلاییپ یولا دوشدوک . بیرآز گئدیب بیر کیچیک یاشیللیغا توش گلدیک . ارباب اورانی گوررکن دئدی : « یورولموشوق ، چادیری قور گنجه نی بوردا قالیریق » . تله سیک چادیری قوردوم . اوجاقی آلیشدیردیم ، سوقیانادیب ، چای دمله دیم و ایکی کنسرو آچیب ، شام یئدی . سونرا چادیرین ایچینده بویرولندیک . ارباب یالاندان - دوغرودان ایلانا راجع هر نه خاطیره عاغلینا گلیردی ، سؤیله بیردی و من اونون سسی نین تیتربه مه ییندن بیلیردیم کی اودا منیم تکین فیکرده دیر و قورخور. نیه کی هم من و هم او یاخشی بیلیردیک کی هر ایلانین بیر یولداشی وار کی مین لر متره یول گندر تا اونون یولداشینین اولدورندن اینتیقام آلسین و بیزده فیکیر لشیردیک ، اولمویا ایلانین یولداشی

گلیب بیزدن اینتقام آلا بودورکی هاوا قارانیقلامامیش ، ایکی میزده یوخو کیسه لرینه گریب بوتون زیپینی باغلادیق و یوخلاماقا چالیشدیق . یورقونلوقدان گۆزوم تئز قیزدی و یوخویا گئتدیم .

یوخودادا اربابی گۆروردوم کی قایانین اوستونده دوروب اوجا سسیله گولور و بارماقیلا منی گۆرسه دیب دییر: " ایلانی سن اولدوردون ... سن اولدوردون " منده الیمده کی داشا و اونون اوستونده کی ایلان گۆزونه باخیب آغلا بیرام

بیلیمیر نه قدر یاتمیشدیم کی اربابین سسیله یوخودان قالخدیم : « اولان دورگور بوسس ، نه دیر ؟!! »

اربابین سسی ، قورخودان تیتیریدی . قولاخ لاریمی قپدیم ، اولده بیرسس اشیتمدیم . آما سونرا بیر ضعیف خیشیلتی سسی قولاغیما دیدی . اربابدان سوروشدوم : مگر بوسس موهوم دور ... ؟!

-« بلی کی موهوم دور ! بو ایلانین یولداشیدیر کی گلیب بیزی سانجا ، دور بیر چادیرین دووره سین گز ، گۆر هاردادیر ... ! »

بوسوزلرمنیم ده اوره ییمی تۆکوب بوشالتدی . اؤزاؤزومه دیندیم : نیه به من ؟! ایلانی سن توتوب منه امراتدین ... اولدور ، ایندی ده من دوروم ایلانین یولداشین آختاریم ...؟!!

آما نئجه کی دئیمیشم ، منده یوخ دئمک جورعتی یوخدور ، بودورکی ، دینمز سوله مز کیسه نی آجیب ، چادیرین گوشه سینی قالدیریب ائشییه چیخدیم . آل چراغینی او طرف بو طرفه سالدیم . بولعنته گلیمیش چیراغیندا باطریلاریندا گوج یوخویدو و بیرکیبیریت ایشیغی تکین بیرایشیق سالیردی ، قارانیقدا آیاق بارماقلاریمین اوستونده دیزلریمی قالدیرا قالدیرا چادیری دوور ووروب و تئزچادیراقایتدیب دئدیم : ارباب بیر شئی گورنمه دیم ، سس کسلیلمیشدی سونرا گیردیم کیسه مه . ایکی میزده کیسه نین ایچینده چونبه لثمهاوتوروب ، قولاخ قپیمیشدیق . هردن خیشیلتی گلیردی ، هردنده کسلیردی .

قۇرخودان یوخو باشیمیزدان قاچمیشدی . چیراغی اویان بویانا سالیردیق . هر دن ده ارباب قاشیقی، روح کاسایا چالیردی تا اگر بیرشئی ده گلسه ، قورخوب قاچسین !

منده توفنگی الیمده ساخلامیشدیم تا بیر شئی گورسم ، آتش ائله یم .

چۇلون قارانلىق ھاۋاسى نى ، چىت چىت لارىن سوسولتوسو بوروموشدو ، آمما بىز قورخودان خىشىلتنى دان باشقا بىر سىس اشىتمىردىك . ساھات لار بوجور قالدىق . آل چىراغىنىن باطرى سى توكندى ، داي بىرايشىق يوخويدو . ارباب ھر دن بىر كىبرىت ياندىرىدى اودا تئز سونوردو . يوخودان اۋترو الوردوك ، اما جورعت الە مىردىك گۇزلىرىمىزى اوست اوستە قويلاق ، باشاردىقچا دا گۇزلىرىمىزى برە لىدىب باخىردىق كى لاب اينچە تىپىنماق گۇرك . ساھات چوخ ياۋاش سووشوردو . ايكىمىزدە اورە ك لىرىمىزىن ياعىنىنى يندىك تا ھاۋا ايشىق لانماغا اوز قويدو . گۇز گۇزو گۇرر گۇرمر چادىردان ائشىيە چىخدىق و ھر طرفى دقتىلە آختاردىق . بىر شئى تاپانمىردىق تا بوكى ارباب كىنسرۇ قوتوسونون باشىنا چاتدى . بىردن قوتونو منە گۇرسە دىب قاھ قاھ گولدى . قوتويا ياۋوقلاشىب مندە قوتونون ايچىنە باخدىم . بىردن بىرە مندە باشلادىم گولماقا . گول ھا گولە سن . بىزىم قوندارما گولماق سىسىمىز چۇلدە دىنگىلىدىردى . گولوردوك تاۋاتانماغىمىزى گىزلە دك ، نىيە كى گىجە دن بىردنە پوخ دىغىرلادان كىنسرۇ قوتوسونا دوشوب چىخانمىردى !!.....

سوزلوك:

گوى دلى : آسمان خراش سۇيكنمك : داپانماق

قوندارما : مصنوع اوو : شكار

ھوندور : بويوك – اوجا گولمە جە : لطيفە – جوك

گوزە تىجى : نىگھبان پوخ دىغىرلادان : يىنكە و آياقى اوزون قارا بوجك